

證治準繩自敘

余髮始燥則聞長老道說范文正公未達時禱
于神以不得爲良相願爲良醫因歎古君子之
存心濟物如此其切也當是時顓蒙無所知顧
讀岐黃家言輒心開意解若有夙契者嘉靖丙
寅母病貼危常潤名醫延致殆徧言人人殊罕
得要領心甚陋之於是銳志學醫旣起亡妹于
垂死漸爲人知延診求方戶屢恒滿先君以爲
妨廢舉業常嚴戒之遂不復窮究無何舉于鄉

又十年成進士選讀中祕書備員史館凡四年
請急歸旋被口語終已不振因伏自念受

聖主作養厚恩見謂儲相材雖萬萬不敢望文
正公然其志不敢不立而其具不敢不勉以庶
幾無負父師之教而今已矣定省之餘頗多暇
日乃復取岐黃家言而肆力焉二親篤老善病
卽醫非素習固將學之而况乎輕車熟路也於
是聞見日益廣而藝日益精鄉曲有抱沉痾醫
技告窳者叩閭求方亡弗立應未嘗敢萌厭心

所全活者稍稍衆矣而又念所濟僅止一方孰
若著爲書傳之天下萬世耶偶嘉善高生隱從
余游因遂採取古今方論參以鄙見而命高生
次第錄之遂先成雜病論與方各八巨表高生
請名余命之曰證治準繩高生曰何謂也余曰
醫有五科七事曰脉曰因曰病曰證曰治爲五
科因復分爲三曰內曰外曰亦內亦外并四時
爲七事如陰陽俱緊而浮脉也傷寒因也太陽
病也頭痛發熱身痛惡寒無汗證也麻黃湯治

也派析支分毫不容濫而時師皆失之不疾者
幸而免耳自陳無擇始發明之而其爲三因極
一方復語焉不詳李仲南爲永類鈴方枝分派
析詳矣而入理不精比附未確此書之所以作
也曰五科皆備焉而獨名證治何也曰以言證
治獨詳故也是書出而不知醫不能脉者因證
檢書而得治法故也雖然大匠之所取平與直
者準繩也而其能用準繩者心目明也倘守死
句而求活人以準繩爲心目則是書之刻且誤

天下萬世而余之罪大矣家貧無貲假貸爲之
不能就其半會侍御周鶴陽公以按鹺行縣至
金壇聞而助成之遂行于世時

萬曆三十年歲次壬寅夏五月朔旦念西居士
王肯堂字泰識

證治準繩第一冊目錄

諸中門

卒中暴厥

中風

中寒

中暑

中濕

中氣

中食

中惡

五絕

自終
溺水

摧壓
魘

諸傷門

傷寒傷風別爲一書

傷暑

傷濕

傷燥

傷飲食

傷勞倦

虛勞

癯瘵羸瘦熱

傳尸勞

寒熱門

發熱

潮熱

惡寒

振寒寒瘧

氣分寒血分寒

三焦寒五藏寒

往來寒熱

外熱內寒外寒內熱

上熱下寒上寒下熱

瘧

厥

寒厥手足冷

熱厥手足熱

卒中暴厥

金壇王肯堂

經云暴病卒死皆屬於火註云火性速疾故然初治之藥不寒而溫不降而升甚者從治之俗有中風中氣中食中寒中暑中濕中惡之別但見卒然仆倒昏不知人或痰涎壅塞咽喉作聲或口眼喎斜手足癱瘓或半身不遂或六脈沉伏或指下浮盛者並可用麻油薑汁竹瀝調

蘇合香丸如口噤挾開灌之或用三生飲一兩
 加人參一兩煎成入竹瀝二三杯薑汁少許如
 挾不開不可進藥急以生半夏為末吹入鼻中
 或用細辛皂角菖蒲為末吹入得嚏則甦此
 以驗其受病深淺則知其可治不可治詳見風門
 條噤若口開手撒遺尿者虛極而陽暴脫也速用
 大料參芪接補之及臍下大艾灸之痰涎

盛者宜吐之急救稀涎散猪牙皂角肥實不
 者四挺云黑皮晉馨光明者一二兩各為日

勻輕者五分重者三字溫水調灌下又碧霞散
揀上色精好石綠研篩水飛再研取二三錢同
冰片三四豆許研勻以生薄荷汁合溫酒調服
之二藥不大嘔吐但微微令涎自口角流出白
麝 舊說口開心絕手撒脾絕眼合肝絕遺尿
腎絕聲如鼾肺絕皆爲不治之症然五症不全
見者速服參芪膏灸臍下亦有得生者 卒中
眼上戴不能視者灸第二椎骨第五椎上各七
壯一齊下火炷如半棗核大 若中人髮直吐

清沫搖頭上攢面赤如粧汗綴如珠或頭面赤
黑眼閉口開氣喘遺尿皆不可治 諸中或未
甦或已甦或初病或久病忽吐出紫紅色者死
傳心方云治男子婦人涎潮於心卒然中倒
當卽時扶入暖室中扶策正坐當面作好醋炭
熏之令醋氣衝入口鼻內良久其涎潮聚於心
者自收歸舊輕者卽時甦醒重者亦省人事唯
不可喫一滴湯水入喉也如喫湯水則其涎永
繫於心絡不能去必成廢人

風邪中人六脉多沉伏亦有脉隨氣奔指下洪
盛者浮遲吉堅大急疾凶 浮遲爲寒 虛大
爲暑不當暑則爲虛 浮澀爲濕 浮大爲風
浮數無熱亦爲風 微而數浮而緊沉而遲皆
氣中 風應人迎 氣應氣口 洪大爲火
滑爲痰 或浮而滑沉而滑微而虛者皆虛與
痰 更當察時月氣候及其人之起居參以顯
症而定病之主名以施治療

論說前之主客之別

更論其入之理

論其入之理

論其入之理

論其入之理

論其入之理

論其入之理

論其入之理

中風

中後當如東垣法分中血脉中府中藏施治

靈樞經云虛邪偏客於身半其入深內居榮衛
榮衛稍衰則真氣去邪氣獨留發爲偏枯故其
邪氣淺者脉偏痛又云偏枯身偏不用而痛言
不變志不亂病在分腠之間巨針取之益其不
足損其有餘乃可復也痺之爲病也身無痛者
四肢不收志亂不甚其言微知可治甚則不能
言不可治也此內經論中風之淺深也其偏枯

身偏痛而言不變志不亂者邪在分腠之間卽仲景東垣所謂邪中府是也痺病無痛手足不收而言瘖志亂者邪入於裏卽仲景東垣所謂邪中藏是也

中血脉外有六經之形症則以小續命湯加減及疎風湯治之 太陽經中風無汗惡寒於續命湯中加麻黃防風杏仁一倍針太陽經至陰出血崑崙舉蹻有汗惡風於續命湯中加桂枝芍藥杏仁一倍針風府 陽明經中風無汗身

熱不惡寒於續命湯中加石膏二兩知母二兩
甘草一兩有汗身熱不惡風於續命湯中加葛
根二兩桂枝黃芩各一倍針陷谷刺厲兌太
陰經中風無汗身涼於續命湯中加附子一倍
乾薑加二兩甘草加三兩針隱白少陰經中
風有汗無熱於續命湯中加桂枝附子甘草各
一倍針太谿凡中風無此四證六經混淆繫
於少陽厥陰或肢節攣痛或麻木不仁每續命
八兩加羌活四兩連翹六兩刺厥陰之井大敦